

**Служба святителю Гавриилу (Городкову), архиепископу
Рязанскому (3 января, 20 апреля н.ст.)**

на Господи воззвах стихіры, глас 6.

Весь освящен Богоносец показася, / помазание Божие святое, /
Святым Духом обложен: / и светло входя вину / во святая святых, /
Богоначальными светлостми озаряемь, / благодати причащаяся / святых
таин, / яко истинный святитель преславлен, / со дерзновением моляся / о
душах наших.

Просветися житие твое / добродетельными светлостми, / верныя
просветил еси, / и лести тму разнал еси, / истинное бо явился еси
светозарное солнце, / святителю преблаженне Гаврииле, / и ныне,
вселился еси, / идеже сияет свет невечерний, / и сын дне благодатию Духа
Святого быв. / Темже твою Божественную память и светоносную / честно
совершающе приснопамятне, / любовьию почитаем.

Ум твой мановением еже к Богу, / Богомудре, верою удобряемь, /
светел явися всеславне, / в мертвенном теле и тленном, / премудре
нетлению поучився, / притяжал еси безплотных светлости, / и страстей
вне быв, / безстрастием украшаяся, / Гаврииле, отче святителю премудре,
/ светлый светильниче, / и молитвенниче о чтущих / любовьию память
твою.

Слава, глас 8:

Доблестей твоих, преподобне отче, плод просветил есть верных
сердца: кто бо слыша безмерное твое смирение, терпению не удивися, еже
к нищим тихости, к скорбящим утешению, вся Боголепно научил еси
святителю, Гаврииле, и ныне неувядаемым венцем увязлся еси: молися о
душах наших.

И ныне, Богородичен воскресный: Царь Небесный:

Вход. Прокимен дне.

1. Притчей чтение.

Память праведнаго с похвалами, и благословение Господне на главе
его. Блажен человек, иже обрете премудрость, и смертен, иже уведет
разум. Лучше бо сию куповати, нежели злата и серебра сокровища.
Честнейшая же есть камней многоценных, все же честное недостойно ея
есть. Долгота бо дней и лета живота в деснице ея, в шуйце же ея богатство
и слава. От уст ея исходит правда, закон же и милость на языке носит.
Послушайте убо мене, о чада, честная бо реку, и блажен человек, иже пути

моя сохранит. Исходи бо мои – исходи живота, и уготовляется хотение от Господа. Сего ради молю вас и предлагаю мой глас сыновом человеческим: яко аз, премудрость, устрой совет, и разум и смысл аз призвах. Мой совет и утверждение, мой разум, моя же крепость. Аз мене любящая люблю, ищущии же мене обрящут благодать. Разумейте убо, незлобивии, коварство, ненаказанныи же, прилагайте сердца. Послушайте мене и паки, честная бо реку, и отверзу от устен правая, яко истине поучится гортань мой, мерзки же предо мною устны лживыя. С правдою вси глаголы уст моих, ничтоже в них стропотно, ниже развращенно. Вся права суть разумевающим и проста обретающим разум. Научу бо вас истине, да будет о Господе надежда ваша, и исполнитесь Духа.

2. Премудрости Соломони чтение.

Уста праведнаго каплют премудрость: устне же мужей мудрых ведут благодать. Уста мудрых поучатся премудрости, правда же избавляет их от смерти. Скончавшуся мужу праведну, не погибнет надежда. Сын бо праведен раждается в живот, и во благих своих плод правды обымет. Свет праведным всегда, и от Господа обрящут благодать и славу. Язык мудрых добрая свесь, и в сердце их почиет мудрость. Любит Господь преподобныя сердца, приятни же ему вси непорочнии в пути. Мудрость Господня просвещает лице разумнаго. Постигает бо желающия ю, прежде даже разумети ю, и удобь узрится от любящих ю. Утреневавый к ней, не утрудится, и бдяй ея ради, вскоре без печали будет. Яко достойных ея сама обходит ищущи, и во стезях ея является им благоприемне. Мудрости никогдаже одолеет злоба. Сих ради и рачитель бых доброты ея, и возлюбих ю, и поисках от юности моя. И взысках невесту привести себе, яко всех Владыка возлюбил ю. Таибица бо есть Божия хитрости, и обретательница дел Его. Труды ея суть добродетели: целомудрию же и разуму та учит, правде и мужеству, ихже потребнее ничтоже есть в житии человеком. Аще же и многаго искусства желает кто, весть древняя, и быти хотящая разсмотрит: свесь извития словес, и разрешения гаданий, знамения и чудеса проразумеет, и сбытия времен и лет; и всем советник есть благ, яко безсмертие есть в ней, и благославие во общении словес ея. Сего ради беседовах ко Господу, и помолихся Ему, и рех от всего сердца моего: Боже отцев и Господи милости, сотворивый вся словом Твоим, и мудростию Твоею устрой чело человека, да владеет бывшими от Тебе тварьми, и да управляет мир в преподобии и правде. Дажь ми Твоих Престолов приседящую премудрость, и не отлучи мене от отрок Твоих, яко аз раб Твой, и сын рабыни Твоея. Посли ю с Небес от святаго жилища Твоего, и от престола славы Твоея, да сущи со мною научит мя, что благоугодно есть пред Тобою, и наставит мя в разум, и сохранит мя в славе своей. Помышления бо смертных вся боязлива, и погрешительна умышления их.

3. Премудрости Соломони чтение.

Похваляему праведнику, возвеселятся людие: безсмертие бо есть память его, яко от Господа познавается и от человек, и угодна Господу душа его. Возлюбите убо, о мужие, мудрость и поживете, восхощите ея и наказани будете: начало бо ея любви и соблюдение закона. Почтите премудрость, да во веки царствуете. Возвещу вам и не скрюю от вас таин Божиих. Яко Той мудрости наставник есть, и мудрых исправитель, и всякому смыслу и делу хитрец. И всем смыслом научит мудрость: есть бо в ней дух разумен и свят, и сияние света присносущнаго, и образ благодати Божия. Та други Божия и пророки устрояет. Благолепнейши же есть солнца и паче всякаго сотворения звезд, свету сосуждаема обретается первейши. Та угождающих ей от болезни избави и настави на стези правыя. Даде им разум имети свят и сохрани я от ловящих, и подвиг крепок подаде им. Да разумеют вси, яко сильнее всего есть благочестие; и никогдаже преможет злоба мудрости, ниже прейдет злыя обличающыи суд. Рекоша же в себе, помысливше неправедно: насильствуем праведному и не пощадим преподобства его, ни усрадимся седин старости многолетны. Будет бо нам крепость закон, и уловим праведнаго, яко неугоден нам есть, и противится делом нашим, и поносит нам отпадение закона, и обличает нам согрешения наказания нашего. Возвещает нам разум имети Божий и отрока Господня себе именует. Бысть нам на обличение помышлением нашим и тяжек нам есть, и видим, яко неподобно иным житие его и изменены стези его. В поругание вменихомся ему, и удаляется от путей наших, яко от нечистот, и блажит последняя праведных. Увидим убо, аще словеса его истинна суть, искусим, яже сбываются ему. Руганием и мукою истяжем его, да разумеем кротость его, и искусим беззлобство его, смертию безобразною осудим его, будет бо посещение от словес его. Сия помыслиша и прельстишася: ослепи бо я злоба их, и не разумеша таин Божиих и не разсудиша, яко Ты еси Бог Един, живота имеяй и смерти власть, и спасаяй во время скорби, и избавляяй от всякаго зла. Щедр и милостив, и давая преподобным Своим благодать, и Своею мышцею гордым противляяйся.

На стихóвне стихíры, глас 8:

Святíтелю Гаврииле, разúмнаго свѣта зарé, церкóвное светíло, святíтельская красотó, íноческаго пóстнаго житíя íстовое прáвило: нáм же застúпник явíлся есí, свободжáя от губíтеля врагá дýшы нáша.

Стíх: Честнá пред Гóсподем смёрть преподóбных Егó.

Святíтелю Гаврииле, велíкую влáсть от Бóга приýл есí, мнóжество лука́вых бесóв молíтвою твоёю отгнáл есí, и сíх озлоблénия от всѣх вѣрою к тебѣ притека́ющих.

Стіх: Чт́о возда́м Го́сподеви о́ всѣхъ, я́же воздаде́ мѣ.

Святителя великаго Гавриила, како досто́йно воспоём, честна́го ума́, Богоза́рнаго свѣта, освеща́ющаго насъ, и Божѣственный ра́зум пода́ющаго, та́ин глубі́нных испове́дателя? согла́сно всѣмъ рце́м: ра́дуйся о́тче отце́в, Гаврииле.

Сла́ва, гласъ 8:

Ты еси́ па́стырь до́брый и учи́тель те́плый, святителю́ Гаврииле, ты всегда́ похваля́юще вопи́ем: тобо́ю Бо́г украси́ цѣрковь свою́, и те́ло твоѣ́ многоле́тно покрове́нное в земли́, нетле́нно яви́ люде́м своимъ. Те́мже не преста́й моля́ся о хва́лящихъ тя́, и чту́щихъ па́мь твою́, проси́ оставле́ние грехо́в, и спасе́ния душа́м на́шим.

И ны́не, Богоро́дичен: воскресе́нный: Безневе́стная Де́во:

Тропа́рь, гласъ 5

Веро́ю и правдо́ю Бо́гу служа́, сниска́л еси́ любовь па́сты Рязанскія, Гаврииле Святителю́, до́брый па́стырю сло́весныхъ овецъ. В го́дину испытаній алчу́щихъ пита́л еси́, икону́ Богома́тере Зна́мение, «Корчемно́ю» имену́емую, я́ко исто́чник неоску́дный утеше́ния па́стве свое́ю указа́л еси́. И ны́не моли́ся о насъ приле́жно, чту́щихъ святу́ю па́мь твою́.

Сла́ва, и ны́не, Богоро́дичен.

На у́трени,

на Бо́г Госпо́дь, тропа́рь то́йже.

По 1-й кафі́сме, седа́лен, гласъ 1.

Служі́тель бѣ́въ Христу́ вся́ческихъ Влады́це, научи́л еси́ лю́ди, и просвети́л еси́ Божѣственнымъ креще́нием, к разуме́нию сего́ наста́вль святителю́: те́мже проповѣ́дника ты́ истины всѣ́ имену́ем, святителя́ и уго́дника Христо́ва.

Сла́ва, и ны́не, Богоро́дичен:

Безневе́стная чи́стая Богоро́дице Де́во, еди́на предста́тельница ве́рныхъ и покровъ: бе́д и скорбе́й, и лю́тыхъ обстоя́ний все́хъ изба́ви на Тя упова́ние иму́щихъ отрокови́це, и ду́шы на́ша спаси́ Божѣственными мо́льбама́ Твои́ми.

По 2-й кафѣсме седа́лен, глас 4:

От юности взѣм крѣст твоѣй, благочестѣвно Христу́ последовал еси́, увядѣв плотское мудрование воздержанием: те́мже на святѣтельством седа́лищи се́д святѣтелю, возвели́чил еси́ Влады́ку, и Того́ Пречи́стую Ма́терь, разли́чными дарова́нии твою́ украси́вша ра́ку, Гаврииле, Богоблаже́нне.

Сла́ва, и ны́не, Богоро́дичен:

Де́во всенепоро́чная, пресу́щнаго Бо́га ро́ждшая, со святѣтелем Того́ непреста́нно моли́, оставле́ние прегреше́ний и исправле́ние жити́я да́ти на́м пре́жде конца́, ве́рою и любóвию пою́щим Тя́ по до́лгу, еди́на всепе́тая.

По Хвалите́ имя Госпо́дне Величание:

Велича́ем тя́ святѣтелю о́тче наш Гаврииле, и чтѣм святу́ю па́мять твою́: ты́ бо мо́лиши за на́с Христа́ Бо́га на́шего.

Псалом избранный: Услы́шите сия́ вси́ язы́цы:

По полиеле́и седа́лен, глас 8.

Над страстьми́ ца́рствовав плотскѣми, святѣтель яви́лся еси́ Богоподобен, и па́ству твою́ пресла́вно упасл еси́ преподо́бне: креще́нием же просвети́л еси́, и наказáл еси́ сла́вити еди́наго Бо́га в три́х ипостáсах: те́мже источáеши исцелéния и по кончи́не, ве́рою приходя́щим ко святéй Бо́жией цѣркви, и к ра́це мощéй твои́х, святѣтелю Гаврииле, моли́ Христа́ Бо́га, согреше́ний оставле́ние подáти чту́щим любóвию святу́ю па́мять твою́.

Сла́ва, и ны́не, Богоро́дичен:

Небе́сную двéрь и ковчéг, всесвяту́ю го́ру, свѣтлый о́блак воспойм, неопали́мую купину́, словесный ра́й, Ёвино свобождéние, вселénныя всея́ вели́кое сокрови́ще, я́ко спасéние в нём соде́лася ми́ру, и оставле́ние дрéвних согреше́ний. Те́мже и вопи́ем Ей: моли́ Христа́ Бо́га, прегреше́ний оставле́ние дарова́ти благоче́стно поклоня́ющимся пресвято́му рождеству́ Твоему́.

Степéнна, 1-й антифóн 4-го гласа.

Прокѣ́мен: Уста́ моя́ возглаго́лют премудро́сть, и поучéние сѣрдца моего́ разум.

Стѣх: Уста́ праведнаго поучáтся премудро́сти:

Всякое дыхáние: Ева́нглие, святи́тельское

По 50-м псалме стихира, глас 6:

Наслédниче Бóжий, соприча́стниче Христóв, служи́телю Господень, свя́те Гаврииле, по и́мени твоemú тако и жити́е твоe: проси́я бо се́дине рáзум, свидeтельствова́ше свeтлость лица́ твоего́ душе́вное незло́бие, извeствоваше крóтость, сло́ва молчали́вое. Жíзнь тво́я сла́вна, и успéние со святи́ми: моли́ о душа́х на́ших.

Кано́н, глас 6.

Пeснь 1.

Ирмо́с: Я́ко по су́ху пешешество́вав Изра́иль, по бeздне стопа́ми гони́теля фарао́на, ви́дя потопля́ема, Бо́гу побeдную пeснь по́йм, вопия́ше.

С вы́шними ли́ки я́ко святи́тель, я́ко Бóжий служи́тель предсто́я, о на́с приле́жно моли́ся, получи́ти на́м вeчная бла́гая моли́твами твои́ми.

Избра́н б́ыв Го́сподеви служи́ти честно́му Ева́нглию, блаже́нне Гаврииле, во благо́разумии лю́ди, учéнии премудры́ми о́тче, возрасти́л еси́.

Рáзумом Бóжиим обогáщся, сло́во живо́тное от се́рдца источи́л еси́, напо́яя ду́шы оляде́вшыя страстьми́, премудре святи́телю Бóжий Гаврииле, Богоблаже́нне.

Богоро́дичен: Свяще́нный ли́к проро́ческий проявля́ше изда́леча хотя́щую Тя бы́ти Бóжию и́стинную родите́льницу чи́стая, вы́шшую херуви́м и все́я тва́ри.

Пeснь 3.

Ирмо́с: Не́сть свя́т, я́коже Ты́ Го́споди Бо́же мо́й, вознеси́й ро́г ве́рных Твои́х, бла́же, и утверди́вый на́с на ка́мени испове́дания Твоего́.

Иска́пая Божéственную сла́дость из усте́н твои́х о́тче, и го́рькаго безбо́жия изсуши́л еси́ ка́пли, напо́ив благоче́стивых пити́ем Бóжияго рáзума, блаже́нне.

Бóжиим судо́м произбра́н б́ыв, святи́тель показáлся еси́, безкро́вны жeртвы Бо́гу прино́ся, пожeршемуся на́с ра́ди, о́тче святи́телю Гаврииле.

Гро́б, иде́же лежи́т честно́е те́ло твоe, благово́ние источáет я́ко ра́й Бóжий, благоухáя ве́рная, святи́телю пресла́вне и всече́стне, Гаврииле.

Богорóдичен: Разумéти рождествá Твоегó чíстая, неизречéнные глубинý недоумéет ум челове́чь: Бóг бо себé сми́рив щедро́т ра́ди, во чре́ве Твоём всего́ мя обновí.

Седáлен, глас 4.

Правове́рно, преподо́бне, це́рковь Христо́ву упáсл еси́, и ерети́ческия отгна́л еси́ го́рькия плéвелы, в вýшних водворяе́шися блаже́нне.

Сла́ва, и ны́не, Богорóдичен:

Сло́во óтчее Христа́ Бо́га нашего́, от Тебе́ вопло́тившагoся позна́хом Богорóдице Дéво, еди́на чíстая, еди́на благослове́нная: те́м непреста́нно ты́ воспева́юще велича́ем.

Пéснь 4.

Ирмо́с: Христóс моя́ síла, Бóг и Господь, честна́я це́рковь Боголе́пно поётъ взыва́ющи, от смýсла чíста, о Го́споде прáзднующи.

Ты́ исполнен Свята́го Ду́ха, священ́ный óтче Гаврииле, лука́выя ду́хи от челове́к отгна́л еси́, ве́рны же духо́вными учéнии тво́ими сотвори́л еси́.

Еди́ницу несозда́нную благосло́вил еси́, трéми ли́цы разделя́ему, непресеко́му и несме́сну, просвещáя благочестíвыя священ́ными Богосло́вии тво́ими.

Умертвív пёрвее плотскáя мудровáния воздержáнием и трудý, святíteль Божéствен показáлся еси́, и предста́тель Трóице всесвящён.

Богорóдичен: Кля́тва разорíся пра́бабня́я тобо́ю, Богома́ти: ты́ бо на́м Пречи́стая, Исто́чника породила́ еси́, святы́ни присносу́щнаго живoта́.

Пéснь 5.

Ирмо́с: Бо́жиим свéтом тво́им, бла́же, у́тренюющих ти́ ду́шы любóвию озари́, молю́ся, ты́ ве́дети, сло́ве Бо́жий, и́стиннаго Бо́га, от мра́ка грехо́внаго взыва́юща.

Бо́жия Божéственне соверша́я, и чистéйшим по́мыслом чíстым прика́саяся, непоро́чен яви́лся еси́, служя́ Бо́гу, я́ко Бо́жий святíteль священ́нейший.

Идо́льстии угодни́цы бы́ша угодни́цы Бо́гу, тво́ими учéнии честны́ми, ихже от недостóйных изымáя, досто́ин яви́лся еси́ угодник Бо́гу вседержíteлю.

Благода́тию при́зван б́ыв, разруши́л еси́ безбо́жия идо́льская,
одожд́ением словес тво́их преподо́бне, оляденёвша́я сердца́ плодоносна
сод́едал еси́ Бо́жиею благода́тию.

Богоро́дичен: По рождеств́е Твоём стра́ннем пребыла́ еси́ Де́вою,
якоже пр́ежде: Бо́г бо б́е рожд́ейся, и претворя́яй вся во́лею, безму́жная
Ма́рие Богонев́стная.

Пёснь 6.

Ирмо́с: Жите́йское мо́ре воздвиза́емое зря́ напáстей бу́рею, к т́ихому
приста́нищу Твоему́ прите́к, вопию́ Ти: возведи́ от тли́ живо́т мо́й,
Многоми́лостиве.

Язы́к тво́й ду́хом изъощре́н разу́мно, я́ко трóсть скоропи́сца, написа́ в
сердца́ благочести́вых сло́во благода́тное, всесвяще́нне о́тче, Бо́жиим
манове́нием.

Бож́ественным поуча́ясь, я́ко входя́ в мы́сленная́ свята́я святи́х,
ве́рных соверша́еши ду́хом, Тро́ическою зарёю свяще́нный о́тче
всесовершенство́нейший, Гаврииле.

Стру́ями велéний тво́их заград́ив му́тная нечести́вых велéния, я́ко
река́ показа́лся еси́ ми́рная, благоче́стия напо́яя составлéния ве́рных,
святите́лю всече́стне.

Богоро́дичен: Сло́во во чре́ве Твоём всели́ся без се́мене, и Чело́век
яв́ися соверше́н, обновля́я естество́ Боголе́пно, я́коже Са́м ве́сть еди́н,
Богопри́ятная О́трокови́це всенепоро́чная.

Кондак глас 3-й

**Христа измлада возлюбивый еси, Тому любвию последовал еси,
мудростию душу свою питаю, сана Святительскаго удостоен был еси,
паству Рязанскую, от Бога ти данную, усердно окормлял еси,
Гаврииле Святителю, не престай моляся о чадах твоих, да вси
честную память твою радостно почитаем.**

И́кос: Лéностию ока́янный аз отпадо́х, и в сме́рть усну́х: но я́ко
па́стырь до́бр воздвигни мя́ о́тче, и стра́сти моя́ успи́, злé му́чащия мя́: я́ко
да воста́в чи́сте воспою́ твоё светонóсное торже́ство, е́же Влады́ка
вселéнныя просла́ви досто́йно, я́ко раба́ ве́рнейша, и я́ко учите́ля
прему́дра, я́ко дру́га и тайнника, и я́ко строите́ля сво́их преда́ний, я́же
до́бре сохра́нил еси́, пома́зание нескве́рное, Гаврииле, премудре, пр́исно
моли́ непреста́нно о́ всéх нас.

Пѣснь 7.

Ирмосъ: Росодательну ўбо пѣщь содела ангел преподобным отрокомъ, халдѣи же опаляющее велѣние Божіе, мучителя увещая вопіти: благословѣн еси Божѣ отецъ нашихъ.

Просвещаемъ духовною благодатию, яже к Божественному мановѣнію причащѣніи, светодательная был еси звезда, просвещая мудре поющыя: благословѣн Богъ отецъ нашихъ.

Святѣйшая цѣрковь бѣвъ, озаряема добродѣтельными деяніи, живущу имѣл еси в тебѣ священне Троицу несозданную, вопія: благословѣн Богъ отецъ нашихъ.

Дремание от очию отринув, Божественными бодростми, Божія сиянія приѣл еси от ангела свѣта, столп и подпоръ вѣрнымъ, святителя истинна совершающа тя.

Богородичен: Седя въ нѣдрахъ родителя неопісан, въ нѣдрахъ Твоихъ, Пречистая, нынѣ сидитъ опісан, Твоимъ обложенъ зракомъ, за спасѣніе Адамле опісан бѣвъ.

Пѣснь 8.

Ирмосъ: Из пламене преподобнымъ росу источил еси, и праведнаго жѣртву водою попалил еси: вся бо творіши Христѣ, токмо еже хотѣти. Тя превозносимъ во вся вѣки.

Гордаго змѣя смиреніемъ твоимъ смирил еси блаженне, возвышаемъ к Богу чистыми твоими разумы: темже ты чтимъ, Христа превозносяще во вѣки.

Воплощенно Слово богословил еси, и люди от работныхъ лѣсти спасл еси, отгоняя идольская нечестія, отче святителю Гаврииле, премудре, и Богоносе.

Житіе твоѣ Владыце твоему имѣя подобно, и слово житію имѣя подобящееся, исполненъ бѣвъ днѣй духовныхъ отче, въ вышняя прешел еси покаяща.

Богородичен: Избавльшеся первыя клятвы Твоимъ рождествомъ, преблагословенная Отроковице Богорадованная, гласъ Гавриіловъ возсылаемъ Ти: радуйся вина всехъ спасѣнія.

Пѣснь 9.

Ирмѡс: Бѡга человекомъ не возможно видѣти, на Негоже не смѣютъ чини ангельстии взира́ти: Тобо́ю же, Всечѣ́стая, явѣ́ся человекомъ Сло́во воплоще́нно, Его́же велича́юще, с небѣ́сными во́и Тя ублажа́ем.

В зѣмлю крѡткихъ ты́ вселѣ́лся еси́ святѣ́телю, крѡтокъ и незло́бивъ бѣ́въ, с вѣ́шними совокупля́ся во́инства: вѣ́сь укра́шенъ добродѣ́тельными свѣ́тлостями, и свѣ́томъ добродѣ́телей преодѣ́янъ.

Зри́ши Бѡ́жия и а́нгельскія свѣ́тлости, патриа́рхъ и му́ченикъ, и апо́стольскія красоты́, моля́ с нѣ́ми Человеколю́бца, оставле́ние грехѡ́въ и жити́я исправле́ние дарова́ти на́м преподо́бне, хва́лящимъ тя́.

Я́ве Престо́лъ пе́рвее украси́л еси́ свѣ́то, все́хъ председа́ющихъ градо́въ, в не́мже пожи́въ я́ко а́нгелъ, и святѣ́тельствомъ се́й украси́въ, пома́завъ освяти́л еси́, соверши́въ лю́ди Богому́дры.

Богоро́дичен: Я́коже ка́пля небѣ́сная, во Твое́ чре́во Де́во, до́ждь снѣ́де, и изсуши́ пото́ки лѣ́стныя: одожди́ нетле́ние все́мъ челове́комъ, и избавле́ние Тобо́ю Богора́дованная дарова́ся.

Свети́лен

Сла́вно краси́тся днѣ́сь светоза́рное торже́ство, во свѣ́те сла́вы лица́ Бѡ́жия предсто́я святѣ́телю Гаврииле, помяни́ на́с хва́лящихъ твою́ па́мять.

Богоро́дичен: С Бѡ́гомъ на Тя Пречѣ́стая, упова́ние возлага́емъ, ѡ́же из Тебе́ прошѣ́дшему сраспина́емъ Христу́: Твоѣ́ми же к нему́ мо́льба́ми невреди́мы да́же до конца́ на́с сохра́ни.

На хвали́техъ стихи́ры, гласъ 8.

Преподо́бне ѡ́тче Гаврииле, / ты́ возше́дъ на лѣ́ствицу Божѣ́ственного ра́зума, / и к Бѡ́гу приближа́ясь, / всынѣ́ния да́ръ приѣ́мъ, / исцѣ́ляеши недуги́ неисцѣ́льныя, / и отгони́ши ду́хи нечѣ́стыя: / те́м твою́ па́мь праж́днуемъ, / ра́достию се́рдца, Христа́ велича́юще, / возвели́чившаго Своего́ уго́дника. [Два́жды.]

О́тче чу́дный, Гаврииле, / световидѣ́ниемъ ума́ / чи́сто облиста́емъ, / страсте́й успѣ́лъ еси́ / многово́лненное мо́ре, / и безстра́стиемъ летя́я, / чи́стыми крѣ́пы, дости́гл еси́, / иде́же добра́та неизрече́нна и недо́мысленна, / о на́с всегда́ моля́ хва́лящихъ тя́.

О́тче о́тцевъ, Гаврииле, / священ́ства пра́вило, / целому́дрія о́бразъ, / мона́шествующихъ крѣ́пость, / це́ркве утвержде́ние, / любве́ свети́льникъ,

Престо́л чу́ства, / исто́чник чудес, / и язы́к огнедохнове́нный: уста́ сладкоглаго́лива, / сосу́д Божества́наго Ду́ха, и разу́мный бы́л еси́ рай Богоблаже́нне.

Сла́ва, глас 6:

Преподо́бне и требо́жненне, святе́йший о́тче, па́стырю до́брый, и начало́па́стыря Христа́ учени́че, положи́вый ду́шу за о́вцы, ты́ и ны́не, всехва́льне, Гаврииле, святите́лю, проси́ моли́твами твои́ми, дарова́ти на́м ве́лию ми́лость.

И ны́не, Богоро́дичен:

Бо́га из Тебе́ воплоти́вшагося разу́мехом Богоро́дице Де́во: Того́ моли́ о спасе́нии ду́ш на́ших.

Молитва святителю Гавриилу (Городкову)

О, пречестна́я и свяще́нная главо́ и благода́ти Свята́го Ду́ха испо́лненная, Спа́сово со Отце́м обита́лище, вели́кий архиерее́, те́плый наш засту́пниче, святите́лю Гаврииле, предсто́я у Престо́ла всех Ца́ря и наслажда́ясь све́та единосущны́я Тро́ицы и херувимски со А́нгелы возглаша́я песнь трисвяту́ю, вели́кое же и неизсле́дованное дерзнове́ние имее́я ко всеми́лостивому Влады́це, моли́ спастися па́стывы Христо́вы лю́дем, благостоя́ние святы́х церкве́й утверди́: архиере́и благоле́пием святите́льства украси́, мона́шествующыя к по́двигом до́браго тече́ния укрепи́, град наш и вся гра́ды и страны́ до́бре сохрани́, и ве́ру святу́ю непоро́чну соблюсти́ умоли́, мир весь предста́тельством твои́м умири́, от гла́да и па́губы изба́ви ны, и от нападе́ния иноплеме́нных сохрани́, ста́рыя утэши, ю́ныя наста́ви, безу́мныя умудри́, вдови́цы помилуй, си́роты заступи́, младе́нцы возрасти́, плéнных возврати́, немощствую́щыя и моля́щися тебе́ от всех напа́стей и бед ходата́йством твои́м свободи́: моли́ о нас Всеще́драго и Человеколю́биваго Христа́ Бо́га на́шего, да и в день Стра́шнаго Прише́ствия Его́ от шу́ияго стоя́ния изба́вит нас, и ра́дости святы́х прича́стники сотвори́т со все́ми святы́ми во ве́ки веко́в. Ами́нь.